



JAVNI POZIV ZA UČEŠĆE NA TRENINGU

Organizatori u zajednici – Uloga mjesne zajednice u razvoju zajednice

Fondacija tuzlanske zajednice i Mreža aktivnih zajednica (MAZ) poziva zainteresovane građane, predstavnike organizacija civilnog društva, predstavnike javnih ustanova, članove neformalnih grupa i politički aktivne građane da se prijave za dvodnevni trening „Organizatori u zajednici – Uloga mjesne zajednice u razvoju zajednice“. Ovaj trening razvijen je s ciljem jačanja kapaciteta osoba koje žele aktivno doprinosti razvoju svojih lokalnih zajednica kroz rad u mjesnim zajednicama, pokretanje građanskih inicijativa i unapređenje saradnje između građana i lokalnih institucija. Program je kreiran na osnovu dugogodišnjeg iskustva rada na terenu i prepoznatih potreba za osnaživanjem lokalnih lidera, mandatarata i svih građana koji žele preuzeti aktivniju ulogu u razvoju svojih zajednica. Poseban fokus treninga je na prevenciji pasivnosti mjesnih zajednica i razvoju kompetencija za uspješno vođenje lokalnih inicijativa.

Ciljevi treninga

Tokom dvodnevnog programa učesnici će:

- razumjeti ulogu i značaj mjesnih zajednica u lokalnom razvoju;
- unaprijediti vještine organizovanja i mobilizacije građana;
- steći praktična znanja iz strateškog planiranja aktivnosti u zajednici;
- razviti vještine vođenja timova i koordinacije volontera;
- razmijeniti iskustva i uspostaviti mrežu saradnje sa učesnicima iz drugih lokalnih zajednica.

Program obuhvata

- Uloga mjesne zajednice u razvoju lokalne zajednice
- Organizovanje i mobilizacija građana
- Strateško planiranje lokalnih inicijativa
- Vođenje timova i liderstvo u zajednici
- Primjeri dobre prakse i praktične vježbe

Kome je trening namijenjen?

Trening je namijenjen:

- aktivnim građanima;
- članovima savjeta mjesnih zajednica;
- kandidatima i budućim mandatarima za rad u mjesnim zajednicama;
- predstavnicima formalnih i neformalnih grupa;
- predstavnicima organizacija civilnog društva;
- predstavnicima javnih ustanova



- politički aktivnim građanima koji žele unaprijediti svoj rad u lokalnoj zajednici.

Informacije o treningu

Broj učesnika: maksimalno 15 učesnika

Termin i lokacija

Trening traje 2 dana i biće organizovan 24. i 25. septembra 2026. godine (četvrtak i petak), na lokaciji u centru Grada Tuzla, koja će biti naknadno dogovorena sa prijavljenim učesnicima.

24. septembar: 10:00 – 16:00

25. septembar: 10:00 – 16:00

Voditelji treninga

Trening će voditi Anita Brkić, direktorica Mreže aktivnih zajednica, i Vedrana Dautović, koordinatorica programa. Obije imaju višegodišnje iskustvo u organiziranju i radu u i sa zajednicama, a vještine za rad sa odraslim polaznicima stekle su kroz andragošku obuku i praktične treninge.

Prijave za učešće

Za učešće na treningu potrebno je izvršiti prijavu putem linka: [Poziv na trening "Organiziranje zajednice" – prijavni formular] najkasnije do 21.09.2026. godine.

Tokom prijave bit ćete pozvani da navedete:

imena osoba koje su preporučile i odobrile vaše učešće (predsjednik/ca OCD-a ili institucije iz koje dolazite),
opis vašeg aktivističkog angažmana,
obrazloženje o potrebi subvencioniranja cijene, ukoliko istu tražite.

Cijena treninga

Puna cijena treninga iznosi 300,00 KM po osobi, što pokriva:

kafu i vodu tokom svih pauza u toku 2 dana treninga,
osvježenje i lagani ručak za 2 dana treninga,
materijal za obuku,
održavanje i čišćenje prostorije,
rad trenerskog para u dane treninga,
certifikat o učešću,
pristup dodatnoj literaturi u dogovoru s trenerima,
člansku kartu za korištenje prostorija CIVICA centra u trajanju od mjesec dana.



Rok za plaćanje treninga je dan prije realizacije istog, putem blagajne ili računa Fondacije tuzlanske zajednice, nakon što se izvrši odabir polaznika/ica. Za svaku uplatu izdaje se fiskalni račun.

Otkazivanje: U slučaju otkazivanja treninga od strane organizatora ili odustajanja od strane polaznika/ce najmanje 2 radna dana prije početka treninga, sva uplaćena sredstva bit će vraćena u punom iznosu i u kratkom roku. Ukoliko polaznik/ica nakon početka treninga odustane od pohađanja, uplaćena sredstva nije moguće vratiti.

Mogućnost subvencioniranja

Ljetna škola CIVICA se organizuje od strane Fondacije tuzlanske zajednice, čiji je neprofitni rad finansiran od strane donatora i filantropa. Zahvaljujući sredstvima osiguranim od nekoliko donatora, u mogućnosti smo ponuditi djelimično ili potpuno subvencioniranje troškova treninga za 15 učesnika:

100% sufinansiranje – za 5 učesnika/ica,

75% sufinansiranje – za 5 učesnika/ica,

50% sufinansiranje – za 5 učesnika/ica.

Zahtjev za subvencioniranu cijenu treninga mora biti popunjen tokom prijave na trening, uz tražena objašnjenja. Napominjemo da u navedenu cijenu ne ulaze troškovi putovanja do lokacije treninga, te ih snose sami učesnici/ce.

Iako bismo željeli osloboditi plaćanja što veći broj prijavljenih, nećemo biti u mogućnosti osigurati sufinansiranje za sve zainteresovane učesnike. Odabir će se vršiti prema sljedećim kriterijima:

najranije prijavljeni,

polazno aktivističko iskustvo u lokalnoj zajednici i iskustvo organizacije/institucije u realizaciji društveno korisnih projekata,

obrazloženje o potrebi korištenja subvencionirane cijene.

Potencijalnim aplikantima/kinjama savjetujemo da traže i druge mogućnosti sufinansiranja, uključujući plaćanje od strane matične organizacije/ustanove/institucije, poslodavca, donatora ili projektnog granta.

Dodatne informacije

Za sva dodatna pitanja obratite se Vedrani Dautović, koordinatorici programa:

E-mail: maztuzla@gmail.com

Mreža aktivnih zajednica (MAZ) vjeruje da snažne mjesne zajednice čine temelj razvoja lokalne samouprave. Kroz ovaj trening želimo osnažiti pojedince koji će svojim znanjem, inicijativom i liderstvom doprinijeti stvaranju aktivnijih, povezanih i otpornijih lokalnih zajednica.